

Date – 23/07/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Tun thla chhung hian Stop Diarrhoea Campaign hman a ni a, naupang kum 5 hnuai lam awmna in tinah ORS leh Zinc damdawi sem a ni.**
- 2. India hmarchhak a Autonomous District Council 10 hotute chu nimin khan New Delhi ah an inhmukhawm.**
- 3. Union Finance Minister Nirmala Sitharaman-i chuan vawiinah Union Budget 2024-25 a pharh dawn.**
- 4. Ramchhunga tawng chi ruk chu classical status pek a ni.**

<><><>

STOP DIAORRHEA CAMPAIGN

Kawthalo titawp tura inzirtirna, Stop Diarrhoea Campaign chhungin naupang kum 5 hnuai lam awmna in tinah ORS leh Zinc damdawi sem a ni.

He thu hi Health & Family Welfare Joint Director, Dr. Lily Chhakchhuak chuan sawiin kumin July ni 1 atanga hman tan, Stop Diarrhoea Campaign chu August ni 30 thleng kalpui tur a ni, a ti a. Kum hmasa lamah Diarrhoea Fortnight, chawlhkar 2 chhung hman thin chu naupang, kawthalo vanga thi an awm tam thin avangin kuminah chuan thla 2 chhung hman a ni dawn, a ti.

Dr. Lily Chhakchhuak chuan kuminah Mizoramah kawthalo avanga thi anl a awm lova, nikumah pakhat thi an awm tih sawiin kuminah thi awm lova beihpüi thlak an tum tih a sawi.

Stop Diarrhoea Campaign hi thla hnih chhung neih tur a ni a. Hemi chhung hian ASHA ten an bial chhunga In tin tlawhin naupang kum 5 hnuai lamte tan ORS leh Zinc tablet an sem dawn a. District Hospital, PHC, CHC leh Sub Centre-ah te ORS leh Zinc mamawh tan lak theihna hmun siam a ni dawn a. Schoolah te kut silfai a pawimawhna inzirtir a ni bawk ang.

<><><>

GOVERNOR

Governor Dr Hari Babu Kambhampati an Regional Institute of Paramedical and Nursing Sciences (RIPANS) nimin khan a tlawh a, khum 100 awmna RIPANS Hospital sak thar chhunga section hrang hrang leh ward hrang hrangte en a.

RIPANS Hotute chuan hemi kaihhnawihah hian a panna kawngpui siam tha turin MPWD hnenah ngenna an siam a. Power supply leh tui supply-na atana PHED leh P&E Department-te puihna an mamawh thu an sawi bawk a. Heng thil pawimawh pathum te hi state lam atanga tihhlawhtlin sak an nih chuan anmahni lam chu Kumin kum tawp lam, October emaw November thlaah chuan Damlo leh a mamawh tu tan he Hospital hi hawn theih a beiseiawm an ti.

Governor tlawh pual hian RIPANS chuan an Conference Hall-ah official meeting tawi an buatsaih a. Meeting hi Dr Sanjay D Sawant, Director kaihhruaiah hian tun dinhmuna RIPANS in mamawh tlem a neih te leh Governor puihna an mamawhna te RIPANS thuneitute chuan an thlen nghal a ni.

Thusawiin, Governor chuan nakin lawkah chuan he RIPANS Hospital tuna khum 100 awmna hi India rama Sawrkar damdawiin tha filawr AIIMS, Delhi te anga tih chngtun a nih a beiseiawm a ti a. RIPANS Hospital hian Mizoram tan chauh ni lo, hmarchhak bial pumpui tan pawh healthcare sector-ah service quality tha zawk a rawn belhchhah dawn avangin a lawm awm tih a sawi bawk.

RIPANS hi kum 1995-96-a NEC hnuaiah din a ni a. April ni 1 2007 khan Ministry of H&FW-ah sawn leh a ni a, tunah chuan, Ministry of H&FW, Government of India in a enkawl bik institute awmchhun a ni ta a ni. RIPANS chungchang chipchiar zawka hriat duh tan website : ripans.ac.in ah a enchian theih a ni.



P& E

Power & Electricity Minister Pu F Rodingliana chuan kar kalta Inrinni zingkar khan Aizawl khawpui chhunga P&E Department hmun pawimawh thenkhat leh hnathawh mekte a hmunah a enfiah a.

Power Minister chuan Chite-a 33 Kv Sub-Station siam mek chu en in, chak zawka hnathawh anih theih dan tur Engineer te leh Contractor te a sawipui a. Kumin September thla ral hma a zawh hman tum turin a chah a ni. He sub-station siam mek hi NESIDS atanga hmuh niin transformer lian 10 MVA pahnih dah tur a ruahman a ni a. Siam zawh a nih hunah chuan tuna Zuangtui (lower) Sub Station, Indoor Sub-Station leh Mualpui Sub-Station in a chawm veng tam tak te a chhawk zangkhai thei dawn a ni.

Minister Pu F Rodingliana chuan Zuangtui-a MRT Division a tlawh nghal bawk a. Store thawmthat dan tur leh transformer chhia siamthatna tur workshed dinna tur hmunhma te a en a. He workshed hi tihpuitlin anih hunah chuan Mizoram hmun hrang hrang atanga transformer chhia te dahkhawm a, repair theihthe phaia thawn ngai lova repair theih tura ruahman a ni a, hei hian nasa takin sum senso pawh a ti tlem thei dawn a ni. Minister hian department

bungruate pawh endik nghalin electric bante chu a size mai piahlahmah a rih zawng pawh endik tel thin turin a chah a ni.

Zuangtui Sub-Station atanga Bukpui (Serchhip) kaltlanga Chhim lama power pekna line tihchangtlun nana CT Transformer lian dah dan tur chu Minister hian a en nghal bawka. Chhim lam power pekna ber Melriat SS line a chhiat chang pawha Zuangtui atangin Bukpui (Serchhip) kaltlanga Chhim lam(Khawiva Sub Station) power pek thin chu load shedding ngai lova duh ang thala power pek anih theih nan he CT transformer lian hi dah tura ruahmanna siam a ni.

Minister chuan heng hmalakna leh ruahmanna kal mekte hi khaihlak lova power supply kan neihtheihna tur a nih bakah thlasik lo thleng tur atana inpuahchahna a nih thu sawiin, hunpui laia power hmanzat a san avanga harsatna awm thinte pumpelh a nih theih nan heng ruahmanna siamte hi chak taka bawhzui turin Engineer-te a chah a ni.

<><><>

AIZAWL GARBO

Aizawl khawpui bawlhhlawh khawn tura pawl indin, Aizawl Garbo chuan khawpui chhunga veng tam zawk an khawn tawh a, khawpui pumpui tuam chhuah tumin theihtawpin hma an la mek.

Akashvani palaiin a kawmnaah an hotu, Pu C. Lalmuankima chuan Aizawl Garbo chu kumin February ni 14 atanga bul tan an ni tih sawiin khawpui chhunga bawlhhlawh paih chungchangah harsatna tawka an awm thin avanga din an ni, a ti a. Khawpui chhunga kawng têt deuh te leh AMC bawlhhlawh paih motor dar ri hre pha lo te'n harsatna hrang hrang tawka thin tih an hriat avanga bul tan an ni, a ti a. A tirah chuan an veng chung Ramhlun Venglai in tinah zawhna siamin bawlhhlawh ina khawn an duh leh duh loh an zawt a, chhanna an hmuh atang leh veng thenawm an zawh kual atangin Aizawl Garbo chu an kalpui tan tih a sawi.

Aizawl Garbo bultantute sawi danin bawlhhlawh an khawnah tawih thei leh tawih theilo thliarin AMC kalphung an zawm ve mai a, mimal leh dawr bikah a man hrang siamin an awmna hmunah kal chilhin bawlhhlawh an khawn mai thin niin an sawi bawka.

Pu C. Lalmuankima chuan hmachhawp an neih zingah bawlhhlawh tam zawk phur thei tur leh kawngpui mila kawng têt zawkah pawh tlan zung zung thei garbage truck tih changtlun an tum, a ti a. Phone application siama awlsam zawka kalpui a nih theih nan hma an la mek tih sawiin tunah chuan bawlhhlawh nei ten an lam hun an nghah a ngai thin a, Phone application awm se an duh hunah bawlhhlawh nei ten a lam hun siamin an lam sak theih nan hma an la mek tih sawiin hmasawn zel an tum tih a sawi bawka.

Aizawl Garbo hi tun dinhmunah member 5 an ni mek a, Aizawl khawpui hmun hrang hrang tuam chhuakin mi tam takin an hman tangkai mek a ni.

<><><>

ADC MEETING

India hmarchhak a Autonomous District Council 10 hotute chu nimir khan New Delhi ah an inhmukhawm a

Hmarchhak a State hrang hrang a Autonomous District Council hotute hi Chanakyapuri, New Delhi ah vawiin chawhma dar 10 atang khan inhmukhawmin, inpumkhatna leh thawhhona tha zawk a awm theih nan a hmalakdan tur hrang hrangte an sawi hova, Hmarchhak a Autonomous District Council ten dinhmun sang zawk leh hmasawmna tam zawk an neihtheih nan a rawtna awmte sawihovin, an chanvo tur diktaka an chan theih nan a hmalakho tha an ti a, Sorkar laipui a thlen ngaite thlen nghal tha an ti a, a bawhzuina ah pawh lungrual taka bawhzui nise an ti.

Autonomous District Council hotute New Delhi a inhmukhawmna ah hian Mizoram a Autonomous District Council pathum te chuan aiawh an tir a, Lai Autonomous District Council atangin Chief Executive Member Pu C.Lalmuanthanga leh LADC Deputy Chairman Pu H.Lalmuansanga te he Meeting ah hian an tel a, Tiprah Morcha Chief, Maharaja Pradyot Debbarma pawh he Meeting ah hian a tel.

Hmarchhak biala Autonomous District Council te chuan August thla hian Shillong ah inhmukhawm leh nise an ti a, Sorkar laipua an thuthlente bawhzui dantur leh hmalakna tur an duan hrang hrang a hmalakna te thlirho nise an ti.

<><><>

KHAWZAWL DIST

Khawzawl District-a rualbanlote pualin Khawzawl district PwD Assessment Camp chungchangah nimir khan an thukhawm a.

He thutkhawm hi Khawzawl Bawrhsap Pu K Vanlalthiana chuan kaihruiin Pu Lalfakzuala, Addl DC chuan thutkhawm an neih chhan a sawi fiah a, ADIP Scheme hnuaiyah rualbanlo ten leirem an lo rah a, sawrkar atanga hamthatna tam thei ang ber an hmun theih nan, Artificial Limbs Mfg. Corp of India (ALIMCO) ten Reg-Assessment Camp chu Khawzawl Dist chungah July 29 atanga August ni 1 inkara an neih tur thu a sawi bawk.

Thukhawm-ah hian July ni 29 atanga August ni 1 inkara Khawzawl District chungah PwD Assessment neih turah rualbanlo awmte a tam thei ang ber an in ziah luh theih dan turte, hamthatna dawng thei ten in ziak lut tura document an neih kim theih dan tur bakah Assessment ti tura lo kal tur team te lo buaipui a lo dawnsawn dan turte rel a ni a. Hemi chungchanga mipuite hnena hriattur awm angte chu Khawzawl Bawrhsap Office atanga tihchhuah leh tur a rel a ni.

<><><>

PARLIAMENT

Union Finance Minister Nirmala Sitharaman-i chuan vawiinah Union Budget 2024-25 a pharh dawn a. BJP kaihrui NDA sawrkar term thumnaa budget a pharh hmasak ber a ni ang.

Prime Minister Narendra Modia chuan vawiina budget pharh tur hian kum nga lo awm leh tura ram hawi zawng a tilang dawn a ti a. Kum 2047 a Vikshit Bharat ti hlawhtling tura beiseina lungphum a ni dawn a ti bawk.

Nimin khan Parliament Budget session tan a ni a. Union Finance Minister Nirmala Sitharaman-I chuan Economic Survey pharhin kum 2024-25 chhungin rampum sum dehchhuah gross domestice product (GDP) chu zaa 6.5 atanga 7 a thang tura chhut a nih thu a sawi.

Pi Sitharaman-i chuan kum 2023-24 chhungin khawvel sum leh pai dinhmun derthawng tak karah ramchhunga eizawna ten ram pum thanna kawngah an pui nasa tih a tarlang a. Survey chuan tun sawrkar kum lo awm turah hian sumdawna leh service lam a thang dawn niin a tarlang a. India Meteorological Department in ruahtui tla tha tura a hrilhlawk avang leh chhimthlang fupui southwest monsoon a that dawn avangin agriculture lama hlawkna a san belh dawn tih Economic Survey ah hian tarlan a ni a. Hei bakah hian kalphung inthlakna GST leh OBC te an hmin tawh a, chuvangin rah tha tak an chhuah dawn tih a tarlang bawk a ni.

<><><>

CLASSICAL LANGUAGE

Ramchhunga tawng chi ruk chu classical status pek a ni. Union Culture and Toursim Minister Gajendra Singh Shekhawat chuan ziaka zawhna chhangin Tamil, Sanskrit, Kannada, Telegu, Malayalam leh Odia te chu Classical Language-a pawm a ni a ti a. Sawrkar chuan ramchhunga tawng zawng zawngte tihmasawn turin theihtawp a chhuah a ti a. National Education Policy 2020 chuan India ram tawngte tihmasawn chu a thlur bing a ti a. Central Institute of Indian Language chuan abikn classical language pali-Kannada, Telugu, Malayalam leh Odia te tihmasawn turin hma an la a ti.

<><><>